

KOLEJ UNIVERSITI TEKNIKAL KEBANGSAAN MALAYSIA

KUTKM.02/10.12/2(65)

1 JULAI 2005

PEKELILING PENTADBIRAN BIL. 22/2005

PENGECUALIAN PEPERIKSAAN PERKHIDMATAN STAF KOLEJ UNIVERSITI TEKNIKAL KEBANGSAAN MALAYSIA

Adalah dimaklumkan bahawa mesyuarat Panel Peperiksaan Perkhidmatan Staf KUTKM Bilangan 1 Tahun 2002 yang diadakan pada 23 Mac 2002 telah membuat keputusan mengiktiraf Peperiksaan Perkhidmatan dari mana-mana agensi Kerajaan bagi tujuan Pengesahan Dalam Perkhidmatan mengikut skim masing-masing.

2.0 Walau bagaimanapun, Panel memutuskan bahawa pengiktirafan tersebut adalah disetarakan dengan Kertas II dan Kertas III Peperiksaan Perkhidmatan Universiti ini. Ini bermakna staf yang pernah menduduki dan lulus Peperiksaan Perkhidmatan dari agensi asal mereka (sebelum berkhidmat di Universiti ini) adalah dikitraf lulus dalam Kertas II dan Kertas III kerana Peperiksaan Perkhidmatan yang telah dilaksanakan oleh setiap agensi Kerajaan kebiasaannya telah mematuhi sukatan peperiksaan yang telah ditetapkan oleh Jabatan Perkhidmatan Awam (JPA) kecuali Kertas I (Pengurusan Universiti).

3.0 Pengecualian ini dapat diberi dengan syarat staf terbabit telah diberi Pelepasan Dengan Izin dan perkhidmatannya tidak terputus. Bagi membolehkan pengecualian diberi, staf perlu memohon dan mengemukakan bukti bahawa beliau telah lulus peperiksaan tersebut sama ada dalam bentuk Slip Keputusan (yang disahkan) atau catatan dalam Buku Kenyataan Perkhidmatan. Pemberian pengecualian Kertas II dan Kertas III ini juga merupakan pengiktirafan KUTKM kepada peperiksaan tertentu yang dilaksanakan oleh agensi Kerajaan yang lain, di samping tidak membebaskan staf dengan peperiksaan yang sama serta mengurangkan perbelanjaan kepada KUTKM.

4.0 Walau bagaimanapun, staf masih perlu menduduki dan lulus Kertas I (Pengurusan Universiti) dalam Peperiksaan Perkhidmatan memandangkan sukatan peperiksaan di dalam Kertas I adalah berkaitan dengan Pentadbiran Am KUTKM secara khusus dan berbeza dengan Kertas I (Kertas Jabatan) yang pernah diduduki oleh staf terbabit di agensi asal mereka.

5.0 Staf adalah tertakluk kepada lain-lain syarat dan prosedur pelaksanaan yang sedang berkuatkuasa berhubung pengurusan bagi pengesahan dalam perkhidmatan di Universiti ini.

6.0 **Pekeliling ini berkuatkuasa mulai 1 JANUARI 2002.**

Sekian, harap maklum.

“KOMPETENSI TERAS KEGEMILANGAN”

Saya yang menurut perintah,

HASAN BIN SIRUN

Pendaftar

sk YBhg. Datuk Rektor

Timbalan Rektor (Akademik dan Pengantarabangsaan)

Timbalan Rektor (Penyelidikan dan Pengkormesilan / Inovasi)

Pegawai-pegawai Kanan / Dekan